

ALAHADY NY VATANA AMAN-DRA MASIN'I KRISTY

TAONA B 2018



« *Raiso, fa Vatako ity... Ary nolazainy taminy hoe: Rako ity, dia ny Ran'ny fanekena vaovao izay alatsaka ho an'ny maro* » (Mk. 14: 22, 24)

Vakiteny I : Eks. 24, 3-8

Tononkira : Salamo 115

Vakiteny II : Heb. 9, 11-15

Evanjely : Mk. 14, 12-16. 22-26

Ry Kristianina havana, tamin'ny Alahady lasa teo isika naira-nankalaza ny Trinite Masina izay maniraka antsika hibanjina ny fiombonan'ny Ray Zanaka sy Fanahy Masina, izany fibanjinana izany dia antso ho antsika tokoa mba ho fianakaviana iray ao amin'ny Trinite Masina isika. Manasa sady maniraka antsika amin'ny fanorenana ny fianakaviana génération des Bâisseurs, taranaka

manorina Eglizy Tranon'Andriamanitra sy Eglizy Olona Velona. Ao anatin'ny fiomanana ny filankevitra pastôraly eto anivon'ny diosezy isika izao izay hantenantsika hanome ny toro-làlana sy sori-dàlana ho entina manatanteraka izany fanorenana Eglizy Olona Velona izany. Marina fa amin'ny Eglizy eran-tany, dia tamin'ny Alakamisy teo no nankalazana ny vatana aman-dRà Masin'i Kristy, fête Dieu na Corpus Domini no mahazatra antsika. Ankalazaintsika androany amin'izao Alahady izao ny fankalazana izany fety lehibe izany ka ~~ary~~ anaovantsika "procession" diam-bavaka be hanambarantsika fa eo anivontsika tokoa Andriamanitra fa tsy Andriamanitra lavitra no Andriamanitsika. Matoa isika manatanteraka ny "procession" tsy hoe fireharehana na fisehoana fa

mahery na poerapoera sanatria fa fanehoam-pinoana sy ilazana fa tsy Andriamanitra lavitra fa eo anivontsika ny Andriamanintsika. Izany no antony natanterahin'i Jesoa ny Eokaristia Masina tamin'ny alakamisy masina mba ho eo anivontsika mandrakariva Izy ary nilaza izy "Ataovy izao ho fahatsiarovana aho". Tsy fisehoana na manao "caranaval" isika fa vavaka fiombonana no ataontsika ary fanehoana fa eo anivontsika i Kristy, Andriamanitra mikolokolo antsika nahafoy ny ainy ho antsika i Kristy satria ny vatana aman-drà masin'i Kristy mihitsy no ankalazaintsika, izany sorona izany no ankalazaintsika isaky ny manao ny Eokaristia isika. Ny Teniny sy ny Tenany no nomeny antsika ho sakafo mamelona antsika. Fanehoana an'izany ny prôsesio ataontsika

Maninona no asiana fety hankalazana ny vatana aman-dràn'i Kristy manokana aorian'ny Trinite Masina?

Fa satria tian'ny Eglizy ho tsapantsika sy hivelomantsika ny hoe tsy Andriamanitra lavitra ny Andriamanintsika fa mikolokolo sy mamelona antsika amin'ny alalan'ny vatana sy ny rany, izany hoe fitiavan-dehibe no asehon'Andriamanitra antsika. Izany no tian'Andriamanitra ambara amin'ny alalan'ny dia ambavaka na "procession" ataontsika. Fantantsika fa ny Eokaristia dia mampiray antsika ao amin'i Trinite Masina ary ao amintsika samy olombelona ary mampiray antsika amin'ny zava-boahary manontolo. Isanandro isika mankalaza ny Eokaristia fa androany asain'ny Eglizy asongandina manokana amin'izao Alahady fankalazana ny sakramenta masina izao. Koa hanambarantsika ny fiombonana amin'i Kristy ny fanaovantsika ny "procession" ary izany no ataontsika isaky mankalaza ny eokaristia, na manao kominio ara-panahy. Ny teny frantsay "communion" dia midika fiombonana. Ambarantsika amin'ny fomba manokana izany rehetra izany amin'ny alalan'ny fihobiana na anamnèse rehefa manandratra ny Ostian'ny Pretra

Ny vakiteny androany dia mampisongadina ny hevitra tsirairay izay nolazaintsika teo, ny bokin'ny Eksaody manambara fa ilay zanak'ondry novonoina ka napetaka amin'ny tafotrano dia io no manambara fanekem-pihavanana sy ny fankatoavana an'izay fanekem-pihavana izay, izany koa no dikan'ny Eokaristia i Jesoa nandatsaka ny ràny ka nanao fanekem-pihavanana mampiombona antsika amin'Andriamanitra Ray Zanaka Fanahy Masina, mampiombona antsika samy olombelona, manova ny fifandraisantsika amin'ny zava-boahary. Efa nantitranterintsika izany tamin'ny Paka ary izany no anjara toeran'ny génération des bâtisseurs taranaka mpanorina, tahaka an'i Lucien Botovasoa, tsy matahotra manolotra ny ainy mba hampiombona ny olombelona amin'Andriamanitra, hampiombona ny olombelona samy olombelona, hampiombona ny olombelona amin'ny zava-boahary. Tsy hoe hanao Mesia vaovao isika fa raha mpanara-dia an'i Kristy tokoa isika dia isika no Kristy mpiara-belona amin'olona. Izany no atao hoe taranaka mpanorina araky ny dinika efa nataontsika roa taona lasa izao. Mitohy izany àry izao isika manamafy an'izany amin'ny alalan'ny fandinihana eo anivon'ny filankevitra pastôraly, anjarantsika no mandini-tena nataontsika inona ny batemintsika ? Nentintsika hanorina ny Eglizy Olona Velona tokoa ve izany? Efa 60 taona lasa izao ny maha Arsidiosezy antsika. Matetika isika no mandray komonio. Inona no dikany izany eo amin'ny fiainantsika andavanandro. Tsaravy ho izaho matetika fa fiekem-pinoana sy fnakataovana ny fanekem-pihavanana no tanterahantsika isaky ny mandray komino isika. Izany no dikany ny Amen rehefa mandray isika

Ao amin'ny vakiteny faharoa milaza fa noho ny fanoloran-tenan'i Jesoa, noho ny fahafoizany ny ràny dia madio isika ka tonga zanak'Andriamanitra. Tsy hoe fanadiovana amin'ny goma fa fanavaozana ny fiainantsika ka hahatonga antsika ho génération mpanorina, izany hoe tsy ho mpanapotika, tsy

mpandrava intsony isika izany fa efa voadio. Ny manadio dia mametraka amin'ny tena toerany, ny tena toerantsika dia ao amin'Andriamanitra. Antsoina isika ho masina araky ny taratasy nosoratan'i Papa Ray masina ho antsika. Antsoina isika ho masina tahaka an'i Lucien Botovasoa.

Ny masina dia ny fitoerana ao amin'Andriamanitra ary izany ny fahadiovana. "Sambatra ny madio fo fa hahita an'Andriamanitra izy", ny fahitana an'Andriamanitra dia manambara fa zanany tokoa isika. Ny Evanjely amin'izao fankalazana ny Sakramenta Masina izao dia maniraka antsika hahay handray tsara sy hiomana tsara ny fandraisantsika ny kominio. Izany no hanaovantsika ny sakramentan'ny fampihavanana, tsy misaraka amin'ny kominio izany hoe izay mazoto mandray kominio dia mahatsiaro fa mila fanadiavona avy amin'Andriamanitra. Izay mazoto mandray kominio dia mazoto koa mandray ny sakramentan'ny fampihavanana. Izany no mahatonga ny pretra mandray antsika amin'ny konfesy isaky ny maraina. Manolotra ny tenantsika i Jesoa amin'izao sakramenta izao, izy no manolotra ny ainy amin'ny Eokaristia, milaza izy "Ataovy izao ho fahatsiarovana ahy". Ny "procession" ataontsika androany, ny fandraisantsika ny kominio, maro ireo zanantsika mandray ny kominio voalohany androany amin'izao fankalazana ny sakramenta masina izao, misy aza amin'ny Eglizy iraka sasany mandray ny Fanahy masina (sakramenta konfirmasio). Maniraka isika izao fankalazana izao. Isika izao no Kristy mpiara-belona amin'olona ka aoka ho Eokaristia koa ny fiainantsika, ho tahaka an'i Masina Maria nandray an'i Jesoa isika. I Masina Maria no tabernakla voaloahany izany hoe toerana misy an'i Kristy Présence réelle hoy isika kai zany no mapisy ny jiro mirehetra mandrakariva amin'ny tabernaka. Raha mamaly "Amen" isika rehefa mandray ny kominio dia manao tahaka an'i Masina Maria nanao "Eny" tamin'ny fiarahaban'ny Anjely ka zary "tabernakla". Ary naniraka azy ny Anjely nandeha namangy an'i Elizabeta, ka isika amin'izao andro anaovantsika "procession" izao, dia zary tabernakla maniraka antsika koa Andriamanitra, maniraka antsika i Kristy hanompo raha tiantsika ho eo anivontsika mandrakariva i Jesoa, raha te hanatanteraka ny teniny hoe "Ataovy izao ho fahatsiarovana ahy" izay midika aoka isika ho mpanompo eo amin'ireo manodidina antsika izany hoe tahaka ny jiro mirehetra amin'ny tabernakla isika ny jiro manambara ny Fahazavan'i Kristy eo amin'ny mpiarabelona. Izany no miandry antsika mba ho vavalombelona tahaka an'i Lucein Botovasoa isika. Min'ny alaan'ny fanompoana no hanehoana ny maha "tabernakla" antsika. Manompo midika mampanjaka ny rariny sy ny hitsiny, manalavitra ny rendrarendra sy ny lainga isan-karazany. Ny manompo dia maneho ny fifakantiavana, maneho asa fanasoavana "noana aho ka nomenao hanina, narary aho ka novangiana, tsy nitafy aho ka nomenao lamba" Ny fankalazana ny Eokaristia dia tsy mijanona ao an-deglizy fotsiny fa araky ny teny ataon'ny pretra hoe "hitantana ny diantsika anie i Kristy" ka mamaly isika "isaorana anie Andriamantira", manatanteraka ny asa famindrampo isika rehefa mivoaka ny Eglizy araky ny fampianarana azontsika tamin'ny fankalazana ny taonan'ny famindrampo. Izany no hahazoantsika hasambarana ka aoka ho mpanompo tokoa isika amin'ny fiainantsika andavanandro.

Ry Jesoa Kristy Tompo ô, nanolo-tena ho anay ianao ary eo anivonay mandrakariva amin'ny alalan'ny vatanao sy ny rànao. Ianao koa ankehitriny maniraka anay eo anivon'ny mpiara-belona aminay, izahay koa no Eokaristia ho an'ireo manodidina anay, izay no mahatonga anay ho tena génération mpanorina satria mpampihavana izahay, mpampiombona izahay, izany no Eokaristia mampiray. Ampio izahay amin'izao fiomananay amin'ny fankalazana ny filankevitra pastôraly izao, ho tena taranaka mpanorina tokoa tahaka an'i Lucien Botovasoa olontsambatra. Mba ho Eokaristia tokoa anie ny fiainanay. Amen

Mompera Arseveka Mgr Benjamin Ramarosan